

Վարչական տույժ նշանակելու մասին

«24» մարտի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Հայաստանի Հանրապետության քաղաքացի Հայկ Ալբերտի Մարտիրոսյանի (անձնագիր՝ AP0636219, հասցե՝ ՀՀ, Վայոց Ձոր, գ.Ագարակաձոր, 14-րդ փողոց, տուն 19) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Թիվ 05100041/250123/0003235 տարանցման հայտարարագրով /թիվ 05100040/260123/0000553 ապրանքների հայտարարագիր/ ԻԻՀ-ից ՀՀ ներմուծված 32100 կգ կլինկերից 6080 կգ-ը հանձնվել, օտարվել, ոչնչացվել կամ կորցվել է:

Նշված փաստի առթիվ ՀՀ քաղաքացի Հայկ Ալբերտի Մարտիրոսյանի նկատմամբ Հայաստանի Հանրապետության պետական եկամուտների կոմիտեի Հարավային մաքսատուն-վարչության մաքսային գործառնությունների բաժնի գլխավոր մաքսային տեսուչի կողմից 26.01.2023 թվականին հարուցվել է մաքսային կանոնների խախտման վերաբերյալ վարույթ՝ «Մաքսային կարգավորման մասին» ՀՀ օրենքի 308-րդ հոդվածի հատկանիշներով, այն է՝ «Առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը»:

Ըստ վարորդի բանավոր հայտարարության թափքի դռան կիսաբաց լինելու պատճառով տեղի է ունեցել բեռի մասնակի թափում:

Արտաքին գնման արդյունքում պարզվել է, որ մաքսային ապահովման միջոցը չի վնասվել:

Վարչական վարույթի շրջանակներում հանձնված, օտարված, ոչնչացված կամ կորցված ապրանքի մաքսային արժեքը և մաքսային վճարների չափերը պարզելու նպատակով՝ թիվ 51 մտից համարի զեկուցագրով հարցում է կատարվել ՀՄՎ համապատասխան ստորաբաժանմանը:

ՀՄՎ մաքսային գործառնությունների բաժնի թիվ 87 տեղեկանքի համաձայն՝ 26.01.2023 թվականի դրությամբ 6080 կգ կլինկերի մաքսային արժեքը կկազմեր **84353 ՀՀ դրամ**, իսկ մաքսային վճարները՝ 19908 ՀՀ դրամ:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 308-րդ հոդվածի 1-ին մասի համաձայն՝ «Առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը՝ առաջացնում է տուգանք՝ այդ ապրանքների և տրանսպորտային միջոցների մաքսային արժեքի երեսուն տոկոսի չափով»:

Վարչական վարույթի նյութերի ուսումնասիրությունից պարզվում է, որ ՀՀ քաղաքացի Հայկ Ալբերտի Մարտիրոսյանը 6080 կգ կլինկերը հանձնել, օտարել, ոչնչացրել կամ կորցրել է:

ՀՀ քաղաքացի Հայկ Ալբերտի Մարտիրոսյանին Վայոց Ձոր, գ.Ագարակաձոր, 14-րդ փողոց, տուն 19 հասցեին ուղարկվել է այս գործի քննության վերաբերյալ ծանուցագիր:

«Հայփոստ» ՓԲԸ-ի պաշտոնական կայքէջի /<https://www.haypost.am/> ուսումնասիրությունից պարզվել է, որ ՀՀ քաղաքացի Հայկ Ալբերտի Մարտիրոսյանին ուղարկված ծանուցագիրը առաքվել է փոստային բաժանմունք:

ՀՀ քաղաքացի Հայկ Ալբերտի Մարտիրոսյանի հասցեն պարզելու նպատակով՝ հարցում է կատարվել ՀՀ Ներքին գործերի նախարարության միգրացիայի և քաղաքացիության ծառայությանը:

Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն, որ Հայկ Ալբերտի Մարտիրոսյանը, ծնված 31.03.1977 թվականին, 24.12.1995 թվականից հաշվառված է Վայոց Ձորի մարզ, Արենի, Ագարակաձոր, 14 փողոց, տուն 19 հասցեում:

ՀՀ քաղաքացի Հայկ Ալբերտի Մարտիրոսյանի անվամբ գրանցված անշարժ գույքի վերաբերյալ տեղեկատվություն ստանալու նպատակով՝ հարցում է կատարվել ՀՀ Կադաստրի կոմիտե:

Ի պատասխան հարցման՝ ՀՀ Կադաստրի կոմիտեից տրամադրել են տեղեկատվություն առ այն, որ քաղաքացի Հայկ Ալբերտի Մարտիրոսյանի (անձնագիր՝ AP 0636219, ծնված 31.03.1977 թ.) անվամբ Վայոց ձորի մարզ, համայնք Արենի, գյուղ Ագարակաձոր, 14 փողոց, N 19 բնակելի տուն հասցեի նկատմամբ գրանցված է սեփականության իրավունք:

ՀՀ քաղաքացի Հայկ Ալբերտի Մարտիրոսյանին կրկին Վայոց Ձոր, գ.Ագարակաձոր, 14-րդ փողոց, տուն 19 հասցեին ուղարկվել է այս գործի քննության վերաբերյալ ծանուցագիր:

«Հայփոստ» ՓԲԸ-ի պաշտոնական կայքէջի /<https://www.haypost.am/> ուսումնասիրությունից պարզվել է, որ ՀՀ քաղաքացի Հայկ Ալբերտի Մարտիրոսյանին ուղարկված ծանուցագիրը հետ է ուղարկվել Պետական եկամուտների կոմիտե:

Քաղաքացի Հայկ Ալբերտի Մարտիրոսյանի սահմանահատումների պատմությունը ստանալու նպատակով՝ 24.03.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Հայկ Ալբերտի Մարտիրոսյանին 30.01.2023 թվականին ժամը 03:24-ին Ագարակ պետական սահմանի անցման կետով մուտք է գործել ՀՀ:

«Մաքսային կարգավորման մասին» ՀՀ օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ «Վարչական իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 308-րդ, 301-րդ, 332-րդ հոդվածներով, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. ՀՀ քաղաքացի Հայկ Ալբերտի Մարտիրոսյանին «Մաքսային կարգավորման մասին» ՀՀ օրենքի 308-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **25310 ՀՀ դրամ**:

2. Որոշման մասին հայտնել ՀՀ քաղաքացի Հայկ Ալբերտի Մարտիրոսյանին:

3. Մաքսային կարգավորման մասին ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից:

4. Մաքսային կարգավորման մասին ՀՀ օրենքի 334-րդ հոդվածի 4-րդ մասի համաձայն Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055' 25310 ՀՀ
դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱ

